

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER FIVE RESURRECTION


SURA YA TANO UFUFUO

Kama tungechukulia kila kitu kilivyo katika Biblia kifasaha, basi hapo ingetubidi tuamini kuwa wakati wa Ujio wa Pili waliozikwa na kuoza mwili wa nyama ya wa amini wote tangu kale wata kombolewa na kuwa wa hali ya asili ya maisha katika mwili wa nyama (II Wathes. 4 :16, Math. 27 :52). Lakini twaweza amini hili ? Ili kutanzua suala hili ebu kwanza tuchunguze maana ya ufufuo.

I. MAANA YA UFUFUO .

Neno ‘ufufuo’ humaanisha kupita kifo kwenda uzima. Ili kuelewa maana ya ‘kupita au kutoka kifo kwenda uzima’ ebu tufikirie maana ya maneno uzima na kifo.

Katika Luka 9 :60 tunasoma kuwa kwa mwanafunzi aliyetaka kwenda nyumbani kwenye msiba au kifo cha baba yake, Yesu alisema,... waache wafu wazike wafu wao.... (msisitizo upo). Katika maneno haya ya Yesu tunapata mitazamo ya aina mbili tofauti ya uzima na kifo. Mtazamo mmoja unahusishwa na kazi ya viungo vya mwili wa nyama. Mwingine unahusishwa na watu wanaohudhuria mazishi ya baba wa mwanafunzi. Je, ni kwa nini Yesu alionyesha watu watakaozika nao pia ni wafu ambapo kwa kweli wapo hai ? Ilikuwa kwa sababu wapo chini ya mamlaka ya Shetani, walikuwa hawajui dhumuni la maisha na hawakumjua Mungu, ambaye ni kiini cha maisha. Ufunuo 3 :1 unasema,... mna jina la kuwa wazima lakini umekufa, ‘kutokana na aya hii tunaweza kugundua kuwa hata kama mtu anaishi kimwili, kama yuko chini ya mamlaka ya Shetani, hapo kulingana na msimamo wa Yesu (mtu huyo) amekufa, kwa mtazamo huu wa kifo, uzima utamaanisha kuwa katikati ya utawala wa Mungu kutimiza madhumuni pewa ya Mungu ya maisha. Katika Yoh. 11 : 25-26, Yesu anasema yule aniaminiye, hata kama akifa, lakini ataendelea kuishi, na yule aishiye na kuendelea kuamini hatokufa kamwe. Hii inatuonyesha kuwa yeyote aliye na uhusiano na mamlaka ya Mungu ya kupitia kwa Kristo ana uzima (yu hai), hata kama mwili wake wa nyama umekufa au yupo hai bila kujali yuko duniani au katika dunia ya roho.



A. Kifo kilichosababishwa na Anguko.


Kuhitaji Ufufuo ni matokeo ya kifo kilichosababishwa na Anguko. Ebu tuchunguze ni kifo gani kati ya vile viwili vilivyotajwa hapo juu kimesababishwa na anguko la wahenga wa kwanza wa binadamu. mwili wa maungo wa binadamu unaelekezwa kurudi ardhini baada ya kuzeeka na kufa. Kama Mungu angedhamiria watu waishi milele duniani katika miili yao nyama, pasingekuwepo haja ya kuumba dunia ya roho kwa ajili ya roho, Mungu aliumba dunia ya kiroho hata kabla ya mtu kuanguka. Hakuumba baada ya anguko ili tu roho za wenye dhambi zikaishi huko. Ili kuwa ni mpango wa Mungu Kwamba mwili wa mtu urudi ardhini na kuwa roho yake pekee iishi milele na Mungu katika dunia ya roho (Mhu. 12 : 7). Kifo cha mwili wa nyama siyo kifo kilichosababishwa na anguko.

Pale Mungu alipomwambia Adam na Hawa hakika wangekufa siku hiyo wakila Tunda la Ujuzi wa Mema na Maovu (Mwa. 2 : 17), kifo kinachoelezwa hapa siyo kifo cha mwili. Tunaona katika Mwanzo kwamba Adam na Hawa waliendelea kuwa watendaji na hai na kuzaa, watoto kwa zaidi ya miaka mia tisa baada ya kula Tunda la Ujuzi wa Mema na Maovu. Bado, kama tunaamini Neno la Mungu, kwa mantiki hiyo, lazima wangekufa hapo hapo baada ya kuvunja Amri ya Mungu.

Upendo wa Mungu ni kiini cha maisha. Kwa hiyo kwa kuacha miliki ya upendo wa Mungu na kuingia miliki ya shetani, ambamo hakuna upendo wa kweli, ni kifo. Katika waraka wa I Yoh. 3 : 14 tunajifunza kuwa ‘yule asiyependa anajitosa katika kifo’. Vile vile, Warumi 8 : 6 na Warumi 6 : 23 kwa mpangilio, tunasoma ‘kuweka akili kwenye mwili wa nyama (kufikiria mwili peke yake) ni kifo, lakini kuweka akili katika roho ni uzima na amani ‘na’ ... mshahara wa dhambi ni kifo, lakini zawadi ya bure ya Mungu ni uzima wa milele katika Kristo Yesu.....kwa hiyo kulingana na mtazamo wa Biblia, kifo kilichosababishwa na anguko ni hali itokanayo na dhambi-hali ya kujitenga mbali na upendo wa Mungu.

B. Maana ya kweli ya Ufufuo.

Ebu tuhitimishe maana ya Ufufuo. Kama mwili wa nyama una rudi Duniani siyo kifo kilichosababishwa na anguko, basi ni wazi maana ya 'kutoka kifo kwenda uzima' -ndiyo kusema ufufuo- hauwezi kuwa uamsho wa miili uliooza. Kulingana na 'Kanuni ya Uumbaji', ilikuwa ni mpango asili wa Mungu kwamba mwili wa nyama ufe na kurudi ardhini pale unapozeeka (Mhu. 12 : 7). Kwa hiyo mara mwili wa nyama unapo oza hau wezi kurudi katika hali yake ya awali.



Kwa kuwa ufufuo hauelezei uhai na kifo cha kimwili, lazima utakuwa una elezea uhai na kifo cha kiroho. Hivyo kufufuka ni mchakato wa mtu kukombolewa kutoka utawala wa shetani na kwenda utawala wa Mungu wa moja kwa moja kwa njia ya mpago wa Ukombozi. Kama mtu atatubu dhambi zake na kuwa mwema leo zaidi ya alivyokuwa jana, huyo amefufuka kwa kiwango ambacho. Yesu alisema, “ ‘.....yule asikiaye maneno yangu na kumwamini aliye nituma, ana uzima wa milele, haji kuhukumiwa lakini amepita katika kifo na kuelekea uzima.’ ” (Yoh. 5 : 24). Hii inaonyesha kuwa ufufuo au kupita kifo kwenda uzima, huanza kwa kusikia maneno ya Yesu na kumwamini Mungu. Biblia inasema “...kama ilivyo katika Adam wote hufa, hivyo vilevile katika Kristo wote watafanywa wazima ” (I wak 15 : 22). Kwa sababu ya anguko la Adam, kizazi chake chote kimekuwa cha shetani na hivyo kimekufa. Hivyo, kufufuliwa kuna maana kuwa katika kizazi cha Mungu, kupitia kwa Kristo.

Katika msingi huu wa uelewa wa ufufuo, tusitegemee mabadiliko makubwa ya nje kutokana na ufufuo. Ingawa Adam na Hawa walikuwa tofauti baada ya anguko na kutokana na hilo walikufa kiroho, hakuna mabadiliko ya kimwili yaliyotokea. Hivyo hakuna tofauti ya nje kati ya mtu ambaye ana maisha ya milele kwa sababu ya kuzaliwa mara ya pili kwa Roho Mtakatifu, na mwizi ambaye yupo chini ya utawala wa kifo.

Hata hivyo, Math. 27 : 52 huelekea kuunga mkono imani katika ufufuo wa mwili wa nyama. Ebu tuchunguze kifungu hiki, kinasema “....makaburi yalifunguliwa na miili ya waliolala

iliinuliwa, na ilipotoka nje baada ya kufufuka kwake [Yesu] walikwenda katika mji mtakatifu na kuwatokea wengi.” Hata hivyo, kama hili lingetokea kihalisia, hapo historia ya kuwatesa wakristo isingekuwapo. Hata hivyo Waisrael walishakosa imani na kumsulibisha Yesu, kwa kuendelea kuamini kuwa hakuwa Bwana. Hata hivyo, kama wangeshuhudia manabii wakifufuka kutoka makaburini mwao na kuwasikia wakishuhudia kwamba Yesu alikuwa Masihi, je wasingemwamini Yesu ? Je, kwa nini walithubutu kuwa tesa wanafunzi wa Yesu ?

Pia kwa kuwa ufufuo unasemekana kurudisha uzima wa milele, je tusingeweza kuwaona wale manabii waliofufuliwa katika agano la Kale wakiishi pamoja nasi hii leo ? Na je, isingekuwa wale waliofufuliwa na kurejeshewa uzima kupitia heri ya ufufuo wangeshuhudia mengi juu ya Mungu na Yesu ? Na hapo kwa uhakika katika maandiko ya matendo ya mitume tungepata habari zao. Pamoja na hayo kuna sehemu moja tu katika Biblia inayowaelezea hayo –ni ile katika Mathayo inasemea kuinuka kwao kutoka makaburini na kuwatokea wengi (Math. 27 : 52).


Uelewa wa maana ya kweli ya ufufuo utatatua kirahisi tatizo hili. Kwa kuwa ufufuo haumaanishi kurejesha maiti katika uhai, isingekuwapo miili ya nyama iliyonuka toka kaburini” na “kurudia uhai. Kwa neema ya Mungu, roho zao au nafsi zao, za watakatifu waliokufa zilikuwa karibu na ukamilifu. Mathayo na wanafunzi wengine wakiwa wamemulikwa na Roho Mtakatifu, walipata uono wa roho wa muda mfupi, na waliweza kuona watu wale wa kiroho. Wale waliobaki bila kuguswa na Roho Mtakatifu walibaki na uonaji wa kimwili wa kawaida, na hivyo hawakuweza kuona miili ya kiroho ya manabii wa Agano la Kale.

II. KANUNI ZA UFUFUO.

Kwa kuwa ufufuo humaanisha tukio litokalo katika mlolongo wa kukomboa uasili wa mtu aliyeanguka kuelekea katika kile kilichoumbwa na Mungu, Mpango wa Mungu wa ufufuo kwa hakika ni Mpango wa Ukombozi. Vilevile Mpango wa Mungu wa Ukombozi ni Mpango wa kuumba upya pia. Mwisho Mpango wa Mungu wa ufufuo hufanyika kwa kuzingatia yale yalioelezewa katika “Kanuni za Uumbaji”.

Kwanza kabisa, kulingana na “Kanuni za Uumbaji”, kusudii la Uumbaji huhitimishwa wakati mtu anapotimiza wajibu wake, kwa kuamini na kuishi kama neno la Mungu linenavyo. Kwa hiyo katika ufufuo ambako ndiko kuumbwa upya, Mungu humpa mtu neno Lake –ali lotoa Agano la Kale na Agano Jipya, na kaahidi kutoa Agano Kamilifu mara Kristo atakaporudi. Ili kufufuliwa mtu lazima atimize jukumu lake -kuamini katika na kuishi kama neno linenavyo. Kwa jinsi hii, ufufuo unakamilika kwa Mungu kutoa Neno Lake (kweli) kwa mtu pamoja na mtu kutimiza jukumu lake la kuamini na kuishi katika ukweli.

Pili kulingana na “Kanuni za uumbaji”, kila roho pekee ya mtu imeumbwa ikue na ikamilike kwa msingi tu wa uhusiano na upekee wa mwili. Kutokana na kanuni hii, ufufuo (utakaso, ukuaji



na ukamilifu) wa roho ya mtu binafsi lazima udhihiriswe kwenye msingi na upekee wa mwili wake, na hivyo wakati bado anaishi hapa Duniani. Kwa hakika mpaka leo hii, ufufuaji umekuwa ukielewewa kuwa kufufua mwili wa nyama uliokufa wakati wa kurudi Kristo. Lakini hii siyo sahihi ; mpango wa Mungu kwa ajili ya ufufuo ni mchakato unaoendelea ambao umekuwa ukilenga watu ambao ni hai Duniani. Ni kwao kwamba amewatuma manabii wakiwa na Ukweli.

Tatu, kwa kuzingatia 'Kanuni za Uumbaji', mtu ameumbwa ili awe mkamilifu kwa kukua kupitia hatua tatu za kipindi cha ukuaji. Kwa hiyo mpango wa Mungu wa ufufuo kwa mtu wa anguko utatimizwa kupitia hatua tatu za mpango olio kwisha tolewa.

Nne, ingawa wateule wa Mungu mbalimbali katika mpango wake wa ukombozi hawakuweza kutekeleza majukumu yao kwa utimilifu, walifanya kila walivyoweza kwa unyenyekevu mkubwa kwa Mungu. Unyenyekevu wao na ucha Mungu wao, umelimbikizwa kwa manufaa Duniani, kwa msingi huu wa moyo uliowekwa na watu waaminifu wa nyakati za mwanzo, watu wa vizazi vya baadaye wameweza kupokea faida za ziada kiasi kwa kila zama fulani cha nyakati katika mpango wa Mungu wa ufufuo. Mpago wa Mungu wa ufufuo hufanyika kwa kuzingatia manufaa ya nyakati. Kwa maneno mengine kiasi cha uwezekano wa ufufuo katika wakati fulani hutegemea msingii historia ya moyo wa Mungu uliokwisha wakwa na waaminifu wa nyakati za kale.

III : MPANGO KWA AJILI YA UFUFUO WA WATU DUNIANI .

A. Mpango wa Mungu wa ufufuo unatokana na watu waliomo Duniani.


Mpaka hivi leo, Wakristo walipofikiria juu ya ufufuo, wamekuwa wakifikiri juu ya watu walio kufa kimwili wakipokea uhai mpya pale Kristo anarudi. Lakini pale tunapo elewa maana ya kweli ya ufufuo na kanuni za Mpango wa Mungu wa Ufufuo tumeelewa kuwa Mungu huweka Mpango wake wa Ufufuo akiegemea kwa watu waliopo Duniani. Kwa mtazamo wa binadamu, inaweza kuonekana kama tu marudio kutoka kizazi hadi kizazi. Kwa mtazamo wa Mungu, ambaye hutekeleza mpango wake, kurithisha vizazi hakuna uhakika. Kwa mtazamo wa Mungu historia yote si kingine bali kazi ya kumfufua mtu mmoja aliyekufa, Adam. Kama muhenga wa kwanza wa wanadamu Adam asinge anguka na kwamba angekua kupitia hatua tatu za kipindi cha kukuaji, roho yake ingekua kupitia hatua ya roho changa (mwanzo) – hai ya (pili} mpaka kuwa roho takatifu, (tatu) roho ya yule atimizaye makusudi ya uumbaji.

Hata hivyo, kutokana matokeo ya Anguko, roho ya mtu ili poromoka kutoka kiwango cha ukamilifu katika kipindi cha kukua, mpaka kiwango cha chini kabisa – hii ndiyo kusema alianguka chini ya kiwango ambacho alichu umbiwa ki asilia. Adam na Hawa walianguka nje katika ukanda usio wa Kanuni na kurithi Hulka ya (chembechembe} za anguko kutoka kwa malaika mkuu aliyeanguka.

B. Hatua tatu katika Mpango wa Mungu wa Ufufuo.

Mungu alianza mpango wa ufufuo kwenye familia ya Adam, ambayo ilianguka nje ya miliki ya Kanuni. Hata hivyo kwa kuwa watu katika familia za Adam na Nuhu zilishindwa kutekeleza wajibu wao, ufufuo wenyewe haukuanza mpaka katika familia ya Abraham. Kwa hiyo kwa kutazama yaliyopita kipindi cha miaka elfu mbili kutoka kwa Adam hadi Abraham kiliisha katika kipindi ambacho ni msingi tu wa mpango wa Mungu wa ufufuo ulianzishwa. Hivyo, kipindi hiki kinaitwa *zama za Mpango wa Mungu kwa ajili ya Msingi wa Ufufuo*.

Kwa msingi huu, Mungu alitekeleza hatua ya mwanzo ya mpango wa ufufuo, ambao tena kwa sababu



ya mtu kurudia kushindwa, uliishia kuchukua miaka elfu mbili, kutoka kwa Abraham mpaka Yesu. Watu waliopata manufa ya zama za hatua za mwanzo wa ufufuo walikuwa watimize wajibu wao kwa kuishi na kushika sheria ya Agano la kale, hatua ya mwanzo wa neno uumbaji upya. Kwa kuwa watu walikuwa wathibitishwe kwa wao kutekeleza sheria (Neno), hizi zama zinaitwa *zama za kuthibishwa kutokana na kutekeza sheria*'. Kama mtu alitimiza wajibu huo, akiegemea mwili wake, roho yake ingekua kupitia hatua ya mwanzo ya ufufuo na kuwa '*roho changa (hatua ya awali) mtu ambaye amefikia hatua ya awali hapa Duniani aki achana na mwili wake wa nyama roho yake huenda kuishi katika hatua ya awali Dunia ya kiroho*'.

Ufufuo mkamilifu ulikuwa upatikane kupitia kwa Yesu, Masihi ; hata hivyo kwa sababu ya kushindwa kwa binadamu kumkubali Yesu, kipindi baada ya kifo chake kimekuwa ni kipindi cha ufufuo kwa hatua ya kukua tu. Kwa sababu ya Waisrael kukosa imani kwa Yesu, alisulibiwa na utimilifu wa mpango wa ufufuo ulicheleweshwa mpaka Ujio wa Pili. Kwa kuangalia yaliopita, tunaweza kuona kutoka kipindi cha Yesu mpaka wakati wa Ujio wa Pili kimekuwa ni zama za *hatua ya kukua ya ufufuo*. Wakati wa zama hizi, watu Duniani waliweza kupokea manufaa ya zama katika hatua ya kukua ya ufufuo na kuweza kutekeleza majukumu yao kwa ku amini kuishi agano jipya. *katika hatua ya kukua tu*. Katika nyakati hizo, watu duniani walikuwa wakipokea mafao ya kipindi cha kukua kwa hatua ya ufufuo kwa kutekeleza wajibu wao kwa kuamini na kulishi Agano Jipya, neno la Mungu katika hatua ya kukua ya kuumba upya. Kwa hiyo zamai hizi zinaitwa *zama za kuthibitishwa kwa njia ya imani*'. Watu wa zama hizo waliweza kupitia hatua ya kukua kupitia ufufuo na kufikia kupata roho – hai kwa kuamini na kuishi neno la agano Jipya. Wakati mtu aliyefikia kiwango cha roho hai anapouacha mwili wake, huenda kuishi Paradiso, ambapo ndipo *kiwango cha roho hai {kukua} cha Dunia ya kiroho*.

Mpango wa *zama za hatua kamilifu* ya ufufuo utakamilika sehemu mbili roho na mwili* (nafsi ya roho na mwili) na Masihi wakati wa Ujio wa Pili. Masihi ataleta Agano Kamilifu ambalo

litaleta hitimisho la Agano la Kale na Agano Jipya. Watu duniani wanaweza kupokea manufaa ya zama za hatua ya ufufuo kamili kwa kutekeleza wajibu wao katika kuamini na kulishika neno jipya na moja kwa moja kumtumikia Masihi kwa utii wa moyo wote. Kwa hiyo, wakati huo unaitwa zama za *kuthibitishwa*

**ingawa Yesu alileta wokovu kwa mtu, kama inavyo weza kuoneka katika warumi 7 :14-25, dhambi ya asili bado imesalia kwa mtu. Wakati sahihi wa kondo dhamdi ya asili ni wakati wa ujio wa pili.*

kwa kuhudumia. Wakati mtu anamuamini na kumhudumia Masihi wakati wa Ujio wa Pili, roho yake hufikia kiwango cha hatua ya ufufuo kamili na kuwa roho takatifu. Sehemu Duniani ambapo watu wa hatua hii ya roho takatifu huishi panaitwa Ufalme wa Mbingu Duniani. Pale mtu mkamilifu anayeishi katika Ufalme wa Mbingu duniani anapouacha mwili wake, huenda kuishi katika Ufalme wa Mbingu katika Dunia ya roho, ambapo ni mkoa wa Dunia ya kiroho mahali pa roho takatifu.

C. Mbingu na Paradiso.

Kiutamaduni, Wakristo wamefahamu kuwa Mbingu na Paradiso ni kitu kimoja. Hata hivyo, kama ilivyoelezwa hapo juu, Ufalme wa Mbingu ni Dunia ya kiroho ambamo watu wa kiroho walofikia kiwango cha roho takatifu wakiwa na mwili wa nyama hapa duniani huishi. Ingawa Yesu, Masihi alikuja kuhitimisha wokovu wa binadamu, kwa sababu ya kifo chake msalabani lengo la Uumbaji ambalo linakamilishwa katika Ufalme wa Mbingu katika dunia ya kiroho na hapa duniani, halikuhitimishwa wakati huo. Hakuwepo mtu aliyefanikiwa kufika kiwango cha roho takatifu wakati akiwepo duniani na kwa hiyo, Ufalme wa Mbingu katika dunia ya kiroho umebaki tupu – hakuna hata mmoja aliyeingia, kwa kuwa ni kiwango cha roho takatifu cha dunia ya kiroho. Kwa nini basi Yesu alisema kuwa yeyote aniaminiye ataingia Ufalme wa Mbingu? Alisema hivyo kwa sababu lengo lake la asili lilikuwa kuleta Ufalme wa Mbingu. Hata hivyo, kwa sababu ya ukosefu wa imani ya watu wa Israel, alikufa msalabani bila kudhihirisha Ufalme wa Mbingu.

Wakati Yesu anasulibishwa msalabani, wezi wawili walisulibishwa pamoja naye, mmoja kulia kwake na mwingine kushoto kwake. Pale mwizi wa kulia alipoonyesha kuwa anamwamini Yesu, Yesu alimwambia kuwa atakuwa naye katika Paradiso (Luka 23 : 43). Paradiso ni kiwango cha roho hai cha Dunia ya kiroho sehemu ambayo watu wanaomwamini Yesu hufikia baada ya kuachana na miili yao. Wale walipo paradiso lazima waombe ili kufikia lengo la ukamilifu na wasubiri kufunguliwa malango ya Ufalme wa Mbinguni.

D. Matukio ya kiroho yatakayotokea Siku za Mwisho.

Mtu alianguka kutoka hatua ya kiwango cha kukamilika cha hatua ya kukua. Jinsi mtu anapoingia katika Siku za Mwisho, huingia katika zama ambazo anaweza kujikomboa yeye mwenyewe katika hatua ya ukamilifu hatua ya kukua. Kwa kuamini na kulishika neno la Agano

Jipya, nafsi roho ya mtu huweza kufikia kiwango cha ukamilifu katika hatua ya kukua, nafasi ya mtu mara kabla ya anguko.

Siku za Mwisho ni pale mtu anapokomboa katika kiwango cha Duniani kote, kiwango alichokuwa amekifikia kabla ya anguko -kiwango cha roho hai, kiwango ambacho Adam aliweza kukifikia uwezo wake wa kuwasiliana na Mungu kwa ufanisi mkubwa. Kwa sababu hii, katika Siku za Mwisho, katika kilele cha kiwango cha kukua kinasogelewa, kutakuwa na watu wengi watakaokuwa na uwezo wa kuwasiliana na dunia ya kiroho. Kwa kuona mambo katika mtazamo huu tunaweza kuelewa ahadi ya Mungu ya kushusha roho yake kwa miili yote Siku za Mwisho. (Matendo. 2 : 17).

Katika Siku za Mwisho, watakuwepo watu wengi watakaopokea ufunuo, “Wewe ni Bwana”. Hii

haimaanishi kuwa wao ni Bwana wa Ujio wa Pili, lakini ina maana kuwa wanafanywa upya katika nafasi hii ya bwana wa uumbaji, nafasi ambayo ilizopotezwa kwa sababu ya anguko la Adam. Kwa maneno mengine, wanakomboa kiwango cha maendeleo ya kiroho ambao Adam alikuwa amefikia punde kabla ya anguko.


Kama vile Yohana Mbatizaji alivyokuwa aandae njia ya Yesu, kutakuwepo watu wengi ambao watakiwa kuandaa njia ya Bwana wa Ujio wa Pili, kwa kuwa kila mtu ana jukumu fulani ana mwakilisha bwana wa ujio wa pili katika kila mmoja atapata ufunuo “Wewe ni Bwana”, ingawa inaweza kuwa wakifanya kazi katika zama au katika mazingira tofauti na yale ya Bwana. Kama katika muda huo mtu atakuwa anapokea mawasiliano ya kiroho asielewe kanuni ambayo imepelekea hali hiyo na kwa makosa kufikiria kuwa yeye ni Bwana wa Ujio wa Pili na hujifanya kana kwamba yeye ni Bwana wa Ujio wa Pili na kutenda sawa kama yeye ndie Bwana, ana kuwa mpinga Kristo. Ndiyo maana Biblia imetabiri kwamba wapinga Kristo wengi watatokea katika Siku za Mwisho.

Pia, ingawa watu wenye uwezo wa kuwasiliana kiroho huwa siliana na Dunia ile ile ya kiroho, kwa kuwa kiwango wa roho, mazingira, na tabia binafsi ni tofauti kwa watu walio wazi kiroho, kiwango cha dunia ya roho ambamo wanawasiliana na yaliyomo katika ufunuo wanaoupokea hutofautiana moja baada ya mwingine (IWakor 15 : 41, 12 : 8 – 10). Kwa sababu hiyo kumekuwepo na kuto kukubaliana na migogoro miongoni mwa watu wakiroho. Hasa kwa kuwa wana uhusiano wima na Mungu, na hivyo huwajibika kwa sehemu moja tu ya Mpango wa Mungu wa Ukombozi, mara nyingi hawajui uhusiano wao mlalo na wenzao wenye mawasiliano na dunia ya kiroho uwe vipi. Kwa kuwa kila mmoja wao ni bora katika eneo lake la jukumu, Mungu humpatia kila mmoja ufunuo ya kuwa “Wewe ni bora” kumpongeza afanye vizuri zaidi. Bado kwa vile hawajui picha kamili ya kile akifanyacho Mungu, mara nyingi hugombana miongoni mwao. Mtafaruku uliopo utatoweka kati ya wanaowasiliana na dunia ya kiroho wakati wa maelezo ya ukweli mpya, utakaoelezea madhumuni yote ya Mpango wa Mungu wa Ukombozi. Kutokana na msingi wa hitimisho la ufahamu huu, watu wa kiroho watafikia muafaka ki mlalo, ushirikiano kiwima na Mungu. Uwezo wao unapaswa kufaa katika madhumuni ya jambo la wote.

IV. MPANGO KWA AJILI YA UFUFUO WA NAFSI ZA ROHO .

A. Ufufuo Marejeo wa nafsi za roho.

Watu wasiohesabika wamekufa na kwenda dunia ya kiroho, hakuna hata mmoja alie jikamilisha yeye mwenyewe akiwa Duniani katika mwili wake wa nyama. Inawezekanaje nafsi hizi za roho zikafufuliwa ? Nafsi ya roho haiwezi kukua hata kufufuliwa nje ya mwili wenyewe wa nyama. Kwa hiyo wale walio katika dunia ya roho ili kufufuliwa lazima warudi duniani kukamilisha wajibu ambayo waliacha bila kutimiza wakati wanaishi katika mwili Duniani. Hutimiza hili kwa kushirikiana na watu waliopo duniani na hufanya kazi kupitia miili ya wengine ili wasaidiwe kutimiza wajibu wao katika utumishi wao. Hii ndiyo maana Yuda 1 : 14 anasema kwamba “Katika Siku za Mwisho....Bwana alikuja na watakatifu wake, maelfu maelfu...”. Ni kwa namna gani nafsi za kiroho zinashirikiana na watu waliopo duniani ili kukamilisha Kusudio la Mungu ? Wakati mtu duniani, kupitia sala au matendo ya kiroho hutokea kujenga msingi unaokubalika kufanya mawasiliano na roho, kwa ushirikiano, basi mtu wa nafsi roho atarudi na kuanza kushirikiana na mtu huyo hapa duniani kwa njia ya tendo la Kutoa na Kupokea kupitia nafsi roho yake.



Nafsi roho ya mtu humsaidia mtu hapa duniani kupokea ufunuo au kupata uzoefu mzito wa ukweli, na wakati mwingine humsaidia kupata uzoefu mwingine wa kiroho kama vile uponyajii wa maradhi mbalimbali, uwezo wa kutabiri, au moto wa kiroho.


B. Ufufuo-marejeo wa Nafsi Roho za Watu Waliomuamini Mungu.

Zama za Yesu miaka elfu mbili iliyopita na pale Kristu anaporudi katika Siku za Mwisho zama zote mbili ni wakati maalum ambapo waumini wote duniani wanaweza kuinuliwa kiroho

(kulingana na Mpango wa Mungu kwa Ukombozi). Hasa kwa kuwa hizi ni nyakati ambazo Neno la Mungu la uumbaji upya hutokea upya, (kama Injili na maneno mapya kimpangilio), hivyo kulingana na kanuni za ufufuo nyakati hizi ni muhimu sana – ni wakati ambao nafsi roho ya mtu inaweza kufufuliwa kwa kasi iliyoongezwa. Kwa hiyo, katika wakati wa Yesu, roho changa za Agano la Kale ambazo zilipambana na Sheria tu, zote zimedhamiria kurudi na kutimiza sharti la kushirikiana na waumini duniani.

Kwa kuwa Eliya alitokea kama roho kwa Yesu na wanafunzi katika mlima wa Kubadilika–sura (Math. 17 : 3) ni wazi kuwa Eliya yuko katika dunia ya roho. Lakini bado, Yesu alionyesha kuwa Yohana Mbatizaji, aliyekuwa duniani ndiye alikuwa Eliya (Math. 17 : 12, 13; 11 : 14). Katika mtazamo wa kanuni za ufufuo marudio tunaweza kuelewa kuwa Eliya alirudi ili kukamilisha jukumu lake ambalo aliliacha bila kulikamilisha alipokuwa hai hapa duniani kwa kushirikiana na Yohana Mbatizaji. Kutokana na kanuni zierendeshazo ufufuo – marudio, mwili wenyewe wa Yohana Mbatizaji ni mwili badala ya ule wa Eliya.

Math. 27 : 52 anasema kuwa Yesu alipokufa msalabani watakatifu wengi waliibuka kutoka makaburini. Hili pia ni tukio la ufufuo wa nafsi roho za watu, ufufuo wa wale ambao wamefikia kiwango cha roho changa wakiwa hapa duniani. Kwa kushirikiana na waliopo duniani wamuaminiye na kumtumikia Bwana wa Ujio wa Pili kwa kuwasaidia wawe roho takatifu, nafsi roho za watu wenye kiwango cha roho hai (Paradiso) – wanaweza kupokea manufaa yaleyale na wao wenyewe kuwa roho takatifu.



Waebrania 11 : 39-41 anasema "Na wale wote hawa (Watakatifu wa Agano la Kale), pamoja na kuonyesha imani yao, hawakupokea ahadi iliyotolewa [kuruhusiwa kuingia katika Ufalme wa Mbingu] kwa kuwa Mungu aliona mbele yao kilicho bora zaidi [Ufalme wa Mbinguni] kwetu sisi [watu duniani] ya kwamba mbali na sisi, wao [nafsi roho] wasikamilishwe." Maneno haya yanaonyesha kanuni ya ufufuo wa nafsi roho zinazorudi hapa duniani ili zipate ufufuo.

C. Ufufuo-Marejeo kwa Nafsi Roho Zote Nyinginezo.

Nafsi roho zilizoamini katika dini tofauti na Uyahudi na Ukristo wakati zinatoweka (kufa) lazima pia zirudi na kushirikiana na watu duniani (ardhini) na wale ambao ni dini moja na wao. Ni kwa kuwa na hao kwamba waweza kujenga kiurahisi msingi wa kushirikiana baina yao.

Watu wema wa nafsi roho walioishi kidhamiri wakati wapo hapa Duniani, ingawa si kwa kumcha Mungu, hurudi na kushirikiana na watu wema duniani wenye kiwango cha kiroho sawa na wao na mazingira yanayoruhusu ushirikiano huo.


Mathayo 25 : 41 humtaja shetani na malaika wake. Katika kifungu hiki, malaika wake (shetani) ni pamoja na nafsi roho ovu. Na hata kwa nafsi roho pia, hakuna njia nyingine ya kufufuliwa isipokuwa kwa njia ya ufufuo marejeo wa nafsi roho, ambayo yawezekana tu kwa nyakati maalum. Lakini nafsi roho ovu haziwezi kushuka ardhini kirahisi zipendavyo, na hata kama zitashuka haziwezi kupokea manufaa ya nyakati za ufufuo marejeo. Kabla nafsi roho ovu hazijapokea manufaa ya nyakati za ufufuo marejeo kupitia Ujio wa Pili, kazi ya kwanza lazima itimize sharti la malipizi* kama sharti la kuhitimiza _____

**Kuona "Mtazamo wa Kanuni za mpango kwa ajili ya ufufuo".*

mapenzi ya Mungu kuondoa dhambi zao kwa kuwaadhibu.

D. Ufufuo-Marejeo na Nadharia ya Umwilisho.

Kazi ya Mungu inalenga katika mpango kamili wa ukombozi kwa kuita watu binafsi wengi na kumpa sehemu ya kazi ambayo inamstahili yeye (mhusika). Kwa jinsi mpango wa Mungu wa ukombozi unavyoendelea mbele, kiongozi mpya huteuliwa kwa ajili ya utume huo, Mungu hatua kwa hatua hupanua kipimo cha mpango wa Mungu, hupanuka kutoka kwa mtu mmoja binafsi hadi upeo wa




familia, taifa na dunia. Mtu anayekufa bila kutimiza jukume lake lazima arudi na kushirikiana na mtu aliepo duniani ambaye ana jukumu sawa na hali sawa kiroho. Kutokana na mtazamo huu wa jukumu mwili wa mtu duniani huwa mwili wa nafsi roho inayokuja (rudi) vilevile. Kwa mantiki hii mtu aliyepo duniani huwa 'ujio wa pili' wa nafsi roho ya mtu arudiye. Ukiangalia kwa macho ya kiroho, mtu aliyeko duniani huonekana kana kwamba anamwilishwa nafsi roho ambayo inayoshirikiana (unganika naye).

Kwa sababu hii Siku za Mwisho watu wengi watatokea wakijiita Eliya, Buddha, Konfusia, au Mzeituni. Itaonekana kama kwamba nadharia ya kubadilika sura au umwilisho, ni matokeo ya kutafsiri kile kinachotokea kwa msingi wa muonekano, bila kufahamu kanuni za ufufuo marejeo.

E. Muungano wa Dini kwa Kwa njia ya Ufufuo Marejeo.

Katika msingi wa kilichoelezwa katika sehemu ya ufufuo – marejeo wa nafsi roho tunaweza kuona ya kuwa nafsi roho ya kiwango cha roho hai ambazo ziko Paradiso, lazima bila kipingamizi zirudi ardhini na kushirikiana na waumini wakati wa ujio wa pili. Muda au wakati na aina ya msaada ambao mtu duniani anapokea kutoka kwa nafsi roho inategemeana na tabia ya mtu, imani na nafasi ya manufaa ya



nyakati za mababu zake. Bado wale wenye imani thabiti mwisho wataongozwa na Roho Mtakatifu kumtambua Bwana wa Ujio wa Pili ambako wanaweza kujizatiti wenyewe kwa kazi ya mapenzi ya Mungu. Kwa kuwa waumini wengi watamzunguka Bwana kupitia ushawishi nafsi roho muungano wa wakristu utatokea wakati wa Ujio wa Pili.

Kama tutakavyojadili katika sehemu ya historia – kiini na pembezoni katika (“Ujio wa Pili”) Ukristo si dini ya Wakristo peke yao; ni dini kuu ikiwa na jukumu lakukamilisha lengo la dini zote ambazo zinaenda katika wema. Kutokana na hali hiyo, waumini wa dini mbalimbali ambao wako dunia ya roho watarudi kwa wale wenye imani moja ambao wapo duniani na kuwaongoza kwa Bwana wa Ujio wa Pili. Lakini hata hivyo muda ambao kila nafsi roho itaunganishwa na dini kiongozi, itatofautiana kulingana na upeo wa kiwango cha nafsi roho na cha imani ya mhusika duniani. Hata kama waumini wa dini mbalimbali hawajaweza kuwa na

mawasiliano na wenzao mpaka sasa, kwa chagizo la watu wa nafsi roho, waumini wote wa dini mbalimbali wataelekea kuungana chini ya Bwana wa Ujio wa Pili.